

5. gr.

Tillag í niðurfærslureikning verðbréfasjóðs eða sjóðsdeildar skal fært í samræmi við tilkynningu bankaeftirlits Seðlabanka Íslands til starfandi rekstrarfélaga og vörslufyrirtækja. Tillag í niðurfærslureikning eigna skiptist í:

1. Almenn tillag sem reiknað skal í hundradshlutum af bókfærðri heildarfjárhæð verðbréfa að frádregnu sérstöku tillagi skv. 2. tölul.
2. Sérstakt tillag sem reiknað skal í hundradshlutum af vanskilum, þ.e. gjaldföllnum eftirstöðvum verðbréfa ásamt vöxtum. Tillag tengt vanskilum skal reiknað fyrir hvern byrjaðan mánuð sem vanskil hafa staðið en þó ekki fyrir en að liðnum fyrstu sex mánuðum vanskila. Þegar vanskil sem sérstakt tillag reiknast af hafa staðið í eitt ár eða lengur skal hætt að tekjufæra dráttarvexti svo og þóknun og skal krafan þá standa óbreytt í bókhaldi hlutaðeigandi verðbréfasjóðs eða sjóðsdeildar þangað til ljóst verður hversu hátt hlutfall höfuðstóls og vaxta innheimtist. Sérstakt tillag í niðurfærslureikning skal leiðrétt á þriggja mánaða fresti í samræmi við skriflegt mat sem yfirlitari er af löggiltum endurskoðanda verðbréfasjóðs.

Bankaeftirlitinu er heimilt að kveða nánar á um tillög í niðurfærslureikning samkvæmt þessari grein.

6. gr.

Kaupgengi, innlausnarvirði og sölugengi hlutdeildarskírteina verðbréfasjóðs eða sjóðsdeildar skal reiknað út daglega.

Ávallt skulu liggja fyrir upplýsingar um kaupgengi, innlausnarvirði og sölugengi hlutdeildarskírteina verðbréfasjóðs eða sjóðsdeildar, svo og upplýsingar um umsýslu- og stjórnunarkostnað hlutaðeigandi sjóðs eða sjóðsdeildar til reiðu fyrir eigendur hlutdeildarskírteina. Ávallt skal tekið fram hvort við útreikning sölugengis hafi verið tekið tillit til lögboðins stimpilgjalds.

7. gr.

Allar fjárhæðir í reglugerð þessari eru miðaðar við lánskjaravísitölu 3282 og skulu þær breytast í hátt við breytingar sem verða á henni og auglýstar eru af Seðlabanka Íslands.

8. gr.

Reglugerð þessi, sem sett er samkvæmt heimild í 6. mgr. 19. gr. laga nr. 10/1993, um verðbréfasjóði, öðlast gildi 15. september 1993. Jafnframt fellur úr gildi reglugerð nr. 478/1991, um framkvæmd útreiknings á innlausnarvirði hlutdeildarskírteina verðbréfasjóða.

Viðskiptaráðuneytið, 31. ágúst 1993.

F. h. r.

Björn Friðfinnsson.

Páll Ásgrímsson.

AUGLÝSING

**um breytingu á aðalskipulagi Grenivíkur, 1987–2007,
Grýtubakkahreppi.**

Samkvæmt ósk hreppsnefndar Grýtubakkahrepps hefur skipulagsstjórn ríkisins þann 16. júní 1993 staðfest breytingar, sbr. 3. og 4. mgr. 19. gr. skipulagslaga nr. 19/1964, á aðalskipulagi Grenivíkur 1987–2007, er staðfest var 25. september 1987.

Breytingin er fólgin í því að grænt opið svæði suðaustan Lundsbrautar og þjóðvegur verður opið svæði til sérstakra nota, þ.e. fyrir hestaþróttir.

Hreppsnefnd Grýtubakkahrepps tekur að sér að bæta það tjón, er einstakir aðilar kunna að verða fyrir við breytinguna.

Umhverfissráðuneytið, 26. ágúst 1993.

F. h. r.

Magnús Jóhannesson.

Hrafn Hallgrímsson.

AUGLÝSING

**um staðfestingu á deiliskipulagi staðgreinireita 1.161.1 og 1.161.2,
sem afmarkast af Kirkjugarðsstíg, Garðastræti, Túngötu
og Suðurgötu.**

Samkvæmt skipulagslögum nr. 19, 21. maí 1964 hefur ráðherra þann 26. ágúst 1993 staðfest uppdrátt og greinargerð deiliskipulags fyrir staðgreinireiti 1.161.1 og 1.161.2, sem afmarkast af Kirkjugarðsstíg, Garðastræti, Túngötu og Suðurgötu.

Uppdráttur þessi og greinargerð hafa hlotið þá meðferð sem skipulagslög nr. 19/1964 mæla fyrir um og samþykki borgarstjórnar Reykjavíkur og skipulagsstjórnar ríkisins.

Umhverfissráðuneytið, 26. ágúst 1993.

Össur Skarphéðinsson.

Magnús Jóhannesson.

AUGLÝSING

**um breytingu á aðalskipulagi Reykjavíkur 1990–2010,
landnotkunarbreyting við Öskjuhlíð.**

Samkvæmt ósk borgarráðs Reykjavíkur hefur skipulagsstjórn ríkisins þann 28. júlí 1993 staðfest breytingu, sbr. 3. og 4. mgr. 19. gr. skipulagslaga nr. 19/1964, á aðalskipulagi Reykjavíkur 1990–2010 er staðfest var 20. febrúar 1992.

Breytingin er fólgin í því að stofnanasvæði í Öskjuhlíð, við Heyrnaleysingjaskólann, stækkar til austurs og er svæðið ætlað fyrir leikskóla.

Borgarsjóður tekur að sér að bæta það tjón, er einstakir aðilar kunna að verða fyrir við breytinguna.

Umhverfissráðuneytið, 26. ágúst 1993.

F. h. r.

Magnús Jóhannesson.

Hrafn Hallgrímsson.